

Ekwo-ozì, Pòlu Deru Nù Tayitòsu

1 ¹Ekwo-ozì òwa-a shì l'èka m̀be Pòlu, b̀ onye ejeru Chileke ozi bya ab̀ru onye-ishi-ozì Jizòsu Kéreshì. Chileke hòtaru mu bya ezia mu g̀ mu bya emee g̀ ndu Chileke hòtaru kabaa ya anòshi ike l'èka; mu emekwaaphò g'èphe maru iphe, b̀ òkpobe-opfu k̀ Chileke; g'èphe atsùje iya ebvu l̀ ndz̀-à, anyi nò-a; ²noo l'anyi ele ẹnya ndz̀ ojejoje. Ndz̀ ojejoje ono b̀ Chileke, onye ta adz̀jedu ùka pfuhawarurò t̀me mgboko d̀; s̀ l̀ ya a-nù anyi. ³O be teke ò gbaru; Chileke, b̀ Onye-Ndzòta anyi mee g'e shì l'ozì-òma iya maru ndz̀ ono, o kweru ukwe iya ono. Ozi-òma iya ono b̀ o woru ye mu l'èka s̀ g̀ mu t̀washiaru iya ndiphe g'ò doo p̀ ẹnya.

⁴Mu nòdu ede ekwo-a anù ngu Tayitòsu. I b̀ òkpobe nwa mu; opfu l̀ mu l̀ ngu kwetarù iphe lanù!

G̀ Chileke, b̀ Nna; waa Kéreshì, b̀ Jizòsu bya ab̀ru Onye-Ndzòta anyi meeru ngu eze-iphe-òma; mee g'èhu d̀ ngu guu.

Ozi Tayitòsu l̀ Kiritu

⁵Iphe, mu gude haa ngu l̀ Kiritu b̀kwa g'i dozia iphe, phòduru nù; waa g'i hòta ndu a-b̀ru ògerenya Chìochi l̀ mkp̀kpku l̀ mkp̀kpku g̀ mu pfuhawaru ngu ono. ⁶G'onye ògerenya Chìochi b̀kwaru onye a ta mad̀-ru èjo èka; onye alù nwanyì lanù; onye ùnwegirima iya wowaru onwophe ye Kéreshì l'èka; ophu èphe ad̀du gaphugaphugaphu; t̀me ophu èphe akpadù opfu. ⁷L'onye-ishi Chìochi b̀futajekwa onye ùta ad̀du l̀ ndz̀ iya; eshinu ò b̀ onye-ishi, eleta ozi Chileke ẹnya. Onye ab̀du opfu-nkiya-anù-nkiya; ophu ò b̀du onye obu-òku; ophu ò b̀du onye angùje mee g'ò tsù iya atsùtsu; onye te emedu èhuka; ophu ònodujedu achò urwu l'ùzo, ad̀du ree. ⁸Òo g'ò b̀-chiaru onye b̀ ò-kwa-èbyaa; onye maru l'iphe, d̀ ree b̀ d̀ ree; onye nweru egomunggo; onye p̀b̀berekoto; bya ad̀ nsò; bya ab̀ru onye esede onwiya. ⁹Onye ono b̀futaje onye nò-shiru ike l'opfu ono, a maru l'ò gbaru k'egude èka ono g'e ziru iya ya; g'òo-d̀

ike gude ezi ọkpobe iphe ono, oozu ono dushia ndu ọzo obu ike; tēme oogoshi ndu jikaru iphe, oozu ẹka o jeberu; ẹzo kpọ-swehu pẹ.

¹⁰Kele ọ duru ndu dọ igwerigwe, bọ ọkarieka; ndu epfu mkpọkoro opfu gude aghota ndu ọzo l'ugho; kekeleke ke ndu k'ono, e buje ẹbvù ono. ¹¹G'a kpọ-bujeru opfu ye egube ndu ono l'onu; kele ephe egudeje ezi iphe, ephe tege zidu gbaghashia unuphu l'ophu g'eeshi g'ephe erita urwu, apfuduru oto. ¹²L'onye lanu le ndu Kiritu, bọ onye ephe suru l'ọ bọ onye agbaje eja sukwaru: "Ndu Kiritu shi le mbu buru atukporoko; ephe bọ ejo anu-egbudu; ndu enyiru, iphe ka utso l'onu." ¹³Iphe nwoke ono pfuru buru ọkpobe-opfu; ọo ya bọ; bashijekwaru pẹ mba ike; g'ekweta pẹ aburu ọkpobe iya. ¹⁴G'ephe ta angahe nchi l'ako-iphè ndu Jiu; ọzoo ekemu, ndu jikaru ọkpobe-opfu turu l'onwophe. ¹⁵Ndu obu guru iphóró bẹ iphemiphe guru iphóró. Obenu le ndu merwushiru onwophe emerwushi; mbu ndu te ekwedu ke Kéreshi; ta adudu iphe, 'abudu pẹ nsọ nsọ. Oriri pẹ rwuhuru arwuhu; ophu ejo-iphe awajehedu pẹ obu mini. ¹⁶Ephe anoduje epfu l'onu l'ephe maru Chileke; ọle ephe egudeje umere pẹ egoshi l'ephe ta amadu iya. Ephe dọ ashị bya aburu ndu ta ndu iphe le nchi; bya buru ọgalemkpa, adudu iphe, dọ ree, ephe dakafuru ememe.

Ọkpobe-opfu, eezi ezizi

2 ¹Obenu gubedua l'onwongu; g'iphe, iizi yele ọkpobe-opfu, eezi ezizi dagbakwa. ²Zia unwoke ndu bọ ọgerenya g'iphe, ephe eme doje pẹ enya; g'ephe meje umere, egoshi l'ọ gbaru g'e yejeru pẹ ẹbvù; g'ephe sedeje onwophe; g'ekweta, ephe kwetaru ke Kéreshi; me eye obu pẹ; me atanshi pẹ buru ọkpobe iya. ³G'i karu unwanyi ọgerenya kwapho g'ephe meje umere, egoshi le Chileke duru pẹ le nsọ; g'ephe ta abukwaru ndu asulasu; ophu ephe angunukajeshi me; ọ chia g'ephe zije iphe, dọ ree. ⁴Ọo ya bọ; g'ephe eshi egube ono zua unwanyi ophu bukwađu nwepa g'iphe, ephe eme doje pẹ enya; ephe eyeje ji pẹ waa unwegirima pẹ obu. ⁵Ephe enweru egomunggo; dobe onwophe ọrù; kwakobeje ọlo pẹ; buru ndu obu oma; buru ndu anuru ji pẹ opfu; g'e te egude iswi ehu pẹ pfubyishiahaa opfu ke Chileke epfubyishi.

⁶Nokwapho g'ii-pfuru unwokorobya g'ephe sedeje onwophe. ⁷G'ọ duha-be; gubedua l'onwongu l'a-buru onye e-letaje enya eme umere oma; l'iizije iphe, doru risaa; gbanwuje ehu gude ire-lanu zije iya ọkpobe ezizi. ⁸Pfu-je opfu, nweru ishi; mbu opfu, aata avodu echi; g'ii-gude egube ono mee ndu epfuru ngu nu iphe-iphere; eshinu ephe taa maeduru ejo-iphe, ephe e-gude epfuru anyi.

⁹Pfujeru ndu bọ ohu g'ephe nujeru ndu gbaru pẹ nu opfu; g'iphemiphe, ephe eme jije ndu gbaru pẹ nu epho; g'ephe ta awojeshi pẹ opfu; ¹⁰ophu ephe ezikwa iphuru. Ọo g'ephe goshije l'ephe bọ ndu gbaru ke g'e gude ire pẹ ẹka ọkpobe egude l'iphemiphe. Ọo ya bọ; g'ephe egudekọta

umere phẹ g'ọ ha kutsee iphe, eezi ezizi kẹ Chileke, bụ iya bụ Onye-Ndzo-
ta anyi ono.

¹¹Noo lẹ Chileke goshiwaru eze-iphe-oma iya, o gude adzo onyemonye.
¹²Eze-iphe-oma ophu ezi anyi g'anyi e-shi haa anodu ndzu, ubvu Chileke
adudu; me g'anyi e-shi haa egu ejo-iphe kẹ mgboko-a; buru ndu esedeje
onwanyi; ndu pfuberekoto; waa ndu eyejeru Chileke ubvu lẹ mgboko-a.
¹³Anyi noakwa kwaberu mboku ehutu-utso ono, bu iphe, anyi ele enya iya
ono. Oo mboku ono e-goshi odu-biribiri kẹ Okalibe Chileke ono, bu Onye-
Ndzo-¹⁴ta anyi, bu iya bu Jizosu Kereshi. Onye woru onwiya nu l'iswi ehuru
anyi g'oo-shi egube ono gbata anyi l'eka iphe-eji; waa g'ọ saa obu anyi
g'anyi buru nkiya; mee anyi ndibe iya; ndu eme oma anoduje ehe ihee.

¹⁵Su-a; tuko iphe ono pfushije; gude iya kasaa nemadzu nchi; gudekwa
iya pho goshije nemadzu aka o mesweru; gude iya duphuta iya azu. G'ọ to
dukwa onye a-su lo to dudu iphe, i bu.

Umere, gbaru ndu kẹ Kereshi

3 ¹Nyatajeru ndiphe g'ephe noduje ndu-ishi waa ndu-mbekee l'eka;
meje iphe, ephe suru g'e meje; g'ephe buru ndu doziru onwophe k'eje
iphe, bukpo ozi, geru asa. ²G'ọ to dukwa onye ephe e-pfujeru ejo opfu;
g'ephe ta aswojekwa uswo; g'ephe buchiaru ndu du agu; ephe emejeru
onyemonye odoo. ³L'anyibedua l'onwanyi dukwaru teke anyi shi buru
ndu eswe; buru ndu ta adudu onye ephe anuru opfu; ndu e dusweru uzu
kẹ Kereshi; ndu shi buru ohu egu ejo-iphe, anoduje agugbaa nemadzu
me ohu ekpiri iphe, dugbaa iche iche. Iphe, anyi shi eshibeje ite iya mbo-
ku-mboku buerupho ejo oriri waa enya-pfurupfuru; anyibe ndu shi du
ndu ozo ashij; teme nemadzu ibe anyi dukwapho anyi ashij. ⁴O be teke
Chileke, bu Onye-Ndzo-⁵ta anyi goshiru anyi obu omaa ya waa g'ọ yeberu
anyi obu; o dzota anyi; ophu o bukwa kẹ l'oo iphe, anyi gude eme oma
meta; obenu l'ọ buepho obu-imemini, o phuru anyi be o gude dzota anyi.
Adzo-⁶ta ono shi l'asasa, o saru obu anyi ge Unme-du-Nso mee anyi g'anyi
buru ndu a nwuphuru azu; mekwaapho ndzu anyi g'ọ buru ndzu ophuu.
⁷Chileke kwatakporu shi l'eka Jizosu, bu Onye-Ndzo-⁸ta anyi; nu anyi
Unme-du-Nso ono mebyikpo anunu; g'anyi buru ndu o gude eze-iphe-
oma iya gu lẹ ndu pfuberekoto l'iphu iya; waa ndu e-keta ndzu ojeje,
bu iphe, anyi ele enya iya. ⁹Opfu-a bu opfu, pfuru oto.

Iphe, mu eme ge mu karu ngu bu gi pfua ya pfushia ya ike ge ndu kwe-
waru l'oo Chileke bu Nnajiuphu phe eletaje enya yeru ehuru l'eme iphe, du
ree. Iphe-a bukota iphe, geru asa okpobe egege bya aburu iphe, a-kwo
nemadzu. ¹⁰Ole-a; zehuru ntumego, enweduru ishi; zehuru atu ego ndzepfu
ndzepfu epha, shi lẹ ndiche; me aswo uswo; mekpoo aba mba k'iphe shi
lekemu. Atu egube ego ono bukota iphe, adudu iphe, o bu; teme ophu
urwu adudu iya. ¹¹Ge gu l'onye ebukataje ogbo lẹ Chiochi ta adukwa

iphe, unu e-megbajękwadu mę i -nmawaru iya ọkwa iya ugbo lanu; ọzoo ugbo ẹbo; ọphu o kwedu. ¹¹Makwaru l'ęgube onye ono bę ọriri iya gbajọ-shihuwaru agbajọshihu; ọ nọdu emewaa iphe-ęji bya amaru nno l'ime obu iya.

Iphe, Tayitōsu e-meje

¹²Mu -ziępho Atemasu; ọzoo Tikikōsu; ọ bya ibe ngu; kukebekwa ęhu byapfuta mu lę Nįkopolisu ęgwęgwa; kele ọo l'ęka ono bę mu tųru ọnu anọdu l'udzumini-a, aabya abahu-a. ¹³Dufu Zinasu ọphu bu onye lọya; waa Apọlosu g'ęphe tųgbua ije phe. Nųkwa phe iphe-ije g'ọ tọ du iphe, aduru phe ọko. ¹⁴Mee g'unwunna anyi nwua g'ęphe e-shije gude akanya iphe, du ree, ęphe ese dzoje ndu ọzo lę mkpa, kparu phe nu. ęphe 'emedu ęgube ono g'ęphe makwaru l'akanya phe ta adudu iphe, ọ bu.

¹⁵Iphe, bu ndu mu l'ęphe nọ l'ęka-a l'ekele ngu. Kelechaa ndu yeru anyi obu; ndu anyi l'ęphe tųkoru kweta kę Nnajiuphu. Gę Chileke meeru unu eze-iphe-ọma g'unu ha. Nokwa g'ọ du.